

**სახელმწიფო მზრუნველობიდან ბიოლოგიურ ოჯახში რეინტეგრირებული  
ბავშვების დახმარების პროგრამა**

**(ქვეპროგრამის კოდი 06 02 14)**

პროგრამა განსაზღვრავს ადგილობრივი ბიუჯეტიდან გარდაზნის მუნიციპალიტეტში რეგისტრირებული, სახელმწიფო მზრუნველობიდან ბიოლოგიურ ოჯახში რეინტეგრირებული ბავშვების მატერიალური დახმარების გაცემის პირობებსა და პროცედურებს, მათ მიერ მუნიციპალიტეტის მერიაში წარსადგენი დოკუმენტაციის ნუსხას და დახმარების სახით გასაცემი თანხის ოდენობებს.

**მუხლი 1. პროგრამის მიზანი:**

1. სახელმწიფო მზრუნველობიდან ბიოლოგიურ ოჯახში რეინტეგრირებული ბავშვების მატერიალური მხარდაჭერა.

**მუხლი 2. დაფინანსების წყარო:**

პროგრამის დაფინანსება ხორციელდება გარდაზნის მუნიციპალიტეტის ადგილობრივი ბიუჯეტიდან.

**მუხლი 3. პროგრამის ხანგრძლივობა:**

პროგრამა ძალაშია 2019 წლის 31 დეკემბრის ჩათვლით.

**მუხლი 4. პროგრამით მოსარგებლები:**

პროგრამით მოსარგებლები არიან სახელმწიფო მზრუნველობიდან ბიოლოგიურ ოჯახში რეინტეგრირებული ბავშვები.

**მუხლი 5. პროგრამით მოსარგებლების დაფინანსება:**

პროგრამა ითვალისწინებს მუნიციპალიტეტში რეგისტრირებული, სახელმწიფო მზრუნველობიდან ბიოლოგიურ ოჯახში რეინტეგრირებული ბავშვების დახმარებას.

ბენეფიციარს დახმარება გაეწევა ყოველთვიურად თითოეულ ბავშვზე 150 (ას ორმოცდაათი) ლარის ოდენობით.

**მუხლი 6. დახმარების მისაღებად მუნიციპალიტეტში წარსადგენი დოკუმენტები:**

ა) განცხადება ან/და წერილი შესაბამისი ადმინისტრაციულ ერთეულში მერის წარმომადგენლისგან;

ბ) დახმარების მიმღების პირადობის მოწმობის ასლი;

გ) იძულებით გადაადგილებული პირის/დევენილის მოწმობის ასლი (იძულებით გადაადგილებული პირის/დევენილის მომართვის შემთხვევაში).

დ) ბენეფიციარის დაბადების მოწმობის ასლი;

ე) ცნობა ბავშვის რეინტეგრაციაში ყოფნის შესახებ;

ვ) ამონაწერი სოციალური მომსახურების სააგენტოდან სარეიტინგო ქულის შესახებ (ამონაწერის გაცემის თარიღი არ უნდა აღემატებოდეს ბოლო ერთ თვეს).

ზ) საბანკო ანგარიში;

## **მუხლი 7. მუნიციპალიტეტის ბიუჯეტიდან მოსახლეობისათვის სოციალური დახმარების გაცემის ორგანიზება:**

1. სოციალური დახმარების მისაღებად, ბენეფიციარი წერილობითი განცხადებით მიმართავს და შესაბამის დოკუმენტაციას წარუდგენს მუნიციპალიტეტის მერს ან შესაბამის ადმინისტრაციულ ერთეულში მერის წარმომადგენელს.
2. მუნიციპალიტეტში შემოსული დახმარების მთხოვნელთა განცხადებები თანდართული დოკუმენტაციით შესასწავლად იგზავნება მერიის ჯანმრთელობისა და სოციალური დაცვის სამსახურში.
3. ჯანმრთელობისა და სოციალური დაცვის სამსახური უზრუნველყოფს მათ შესახებ ინფორმაციის გამოთხოვას სოციალური მომსახურების სააგენტოდან.
4. შესაბამის ადმინისტრაციულ ერთეულში მერის წარმომადგენლის მიერ წერილის გადმოგზავნის შემთხვევაში მითითებული უნდა იყოს ამ პროგრამის დასახელება და დოკუმენტაცია წარმოდგენილ იქნას სრულყოფილად.

## **მუხლი 8. ჯანმრთელობისა და სოციალური დაცვის სამსახურის უფლებამოსილება:**

ჯანმრთელობისა და სოციალური დაცვის სამსახური დოკუმენტაციასთან ერთად შემოსული განცხადებების შემოწმების ან/და ადგილზე გადამოწმების შემდეგ იმ შემთხვევაში, თუ დოკუმენტაცია სრულყოფილია ამზადებს ბრძანების პროექტს მუნიციპალიტეტის მერთან წარსადგენად, ხოლო განცხადებაში აღმოჩენილი ხარვეზის შემთხვევაში მიმართავს განმცხადებელს ან/და ადმინისტრაციულ ერთეულში მერის წარმომადგენელს ხარვეზის შესასწორებლად.

## **მუხლი 9. სოციალური დახმარების გაცემის შესახებ საბოლოო გადაწყვეტილების მიღება:**

სოციალური დახმარების გაცემის შესახებ საბოლოო გადაწყვეტილებას იღებს გარდაბნის მუნიციპალიტეტის მერი და გამოსცემს შესაბამის ინდივიდუალურ ადმინისტრაციულ-სამართლებრივ აქტს (ბრძანებას) თანხის გამოყოფის შესახებ.

## **მუხლი 10. დახმარების გაცემის წესი:**

1. გარდაბნის მუნიციპალიტეტის მერიის ადმინისტრაციული სამსახურის იურიდიულ საკითხთა და ადამიანური რესურსების მართვის განყოფილება უზრუნველყოფს გარდაბნის მუნიციპალიტეტის მერის ინდივიდუალურ ადმინისტრაციულ - სამართლებრივი აქტის (ბრძანების) მომზადებას წარმოდგენილ დოკუმენტაციასთან შესაბამისობაში.
2. გარდაბნის მუნიციპალიტეტის მერიის ადმინისტრაციული სამსახურის საქმისწარმოების განყოფილება უზრუნველყოფს გარდაბნის მუნიციპალიტეტის მერის ინდივიდუალური ადმინისტრაციულ-სამართლებრივი აქტის (ბრძანების) გადაგზავნას ელექტრონული მოდულის მეშვეობით როგორც მერიის საფინანსო-საბიუჯეტო და შესყიდვების სამსახურში, ასევე ჯანმრთელობისა და სოციალური დაცვის სამსახურში.
3. გარდაბნის მუნიციპალიტეტის მერიის საფინანსო-საბიუჯეტო და შესყიდვების სამსახური თანხას გასცემს უნაღდო ანგარიშსწორებით ამ პროგრამის მე-9 მუხლის თანახმად გამოცემულ ბრძანებაში მითითებულ საბანკო ანგარიშზე.

**მუხლი 11. პროგრამის შეფასების ინდიკატორი:**

1. პროგრამაში ჩართული ოჯახების რაოდენობა.

**მუხლი 12. პროგრამის შედეგი:**

1. სახელმწიფო მზრუნველობიდან ბიოლოგიურ ოჯახში რეინტეგრირებული ბავშვების მატერიალური დახმარება.